

kname ka sterese

kname ka
sterese, singsiname mopungu titiri oruni kyakénema. sultename ka. sitalisi i
ptapedrenge bicilringi, si ina ikédra ku takeparanema
depe madilami élelernge. odranga na nikai ki singsi sakuranga. iké na ico
amara suepe mwa cukué gari thiné, iké na ulritipi sulate
pétha hikoki pithilithilibi, sukura na élelernge. iku hancioname ka
ilrigu kutuméyiadra, cnglidria ku steresename sukurédra madadengace.
iké ku nikai tatédra ikani singsiname, ki kocioséngsé
longké bilingtava cngcngle, liké na pathilithilibi apéthadra sulate na
hikoki, supkakénga ku orudra. ki kocioséngsé ka sakura markimi ,
pacimonga ngingieci. subaltenga kname cngli nakunimia mrkimi, ku gakko
lisalya mbalite cngli.
skamisienenga ku mierepkarénema “nangaliyanema” ngurubwa
mwa tulucubunga gari. ku steresename laptangesengesa
gia gulungne mwa avétha tikaria gari. kename ka
iké tulucubungadra gakkoname ku sétonga buburunema ki
kocioséngsé musobaka, mungépela musadra itimainiamia.
musilikianga kné ngépela, mragi kecangane pingcigi sulsulte. iku nitumé na

yienenga mragiyiani mwa ku tévilaki mwa ka mra singiaro yeninga ka
mragi técavinamu, alrigwamu na sulate ka iké ku sibému tékamu buala
sé kai.

susiliké kné mwa na yienenga, kname ngépela mragi ku
sarkikénema, asulusulutanema ku skargidra ulribatinga druma na
sulriene, amani ku maraginga ku gakkonema ka sulriene.
kumidra yukanila ki singsi ka tédra na malilivi mdadangece, mongé
na nikanila ki
singsi angikmani cngli isisipi sulati, milringimia dodo singsiana.
sakura kikinga madilami knénga ku stereseli si ku leséli, sakura kiki na
margi ku plengli si duru saterese, takdringéni ki
kocioséngsé. si singsiname songkéni nupwataniayanema, iké ku tumanema
sukura mdadangece. ibicicilringi ka amani kmani buburunema pingcigi
pitikicngi.

(文章大意 僅供參考) ※字數限 200 字

我們那一班

我們班是品行不佳、功課不好的一班，也是讓校長、老師頭痛的一班。老師不在時，有些人拿掃帚自彈自唱，有些人折紙飛機丟來丟去。有次，老師不在，校長在巡班。突然，一架紙飛機飛出窗戶，插在校長的頭髮上。校長被嚇到突然大叫，引來全校同學老師們的注目。

隔天升旗時，我們被邀請到典禮台上。校長訓斥我們，也期勉我們改過向善，努力貢獻社會。從此，我們班收斂許多，品行、學業都逐漸改善，成為學校裡的模範班級。